

**Annex 1 to**  
**Submission of Plea Agreement**

Confidential



## ZYRA E PROKURORIT TË SPECIALIZUAR

**Prokurori i Specializuar kundër Sabit JANUZIT, Ismet BAHTIJARIT dhe Haxhi SHALËS,****KSC-BC-2023-10**Hyrje

1. Ky dokument përbën Marrëveshjen e Pranimit të Fajësisë ('Marrëveshja') ndërmjet Sabit JANUZIT, nëpërmjet Mbrojtësit të tij të Specializuar, Jonathan ELYSTAN REES, dhe Zyrës së Prokurorit të Specializuar ('ZPS' ose 'Prokuroria'). Kjo marrëveshje përcakton të gjithë mirëkuptimin e Palëve për natyrën dhe pasojat e saj, dhe për natyrën dhe pasojat e pranimit të fajit nga Sabit JANUZI. Më tej, ajo ka për synim t'i ndihmojë palët dhe Trupin Gjykses të Dhomave të Specializuara të Kosovës ('DHSK') për të siguruar që pranimi i fajësisë të jetë bërë me vetëdije dhe vullnetarisht, në përputhje me Rregullat 93 dhe 94 të Rregullores së Procedurës dhe të Provave pranë Dhomave të Specializuara të Kosovës ('Rregullore').
2. Kushtet e marrëveshjes janë si më poshtë:

Marrëveshja në lidhje me Pranimin e Fajit

3. Sabit JANUZI bie dakord të pranojë fajin para Trupit Gjykses në përputhje me Rregullat 92, 93 dhe 94 të Rregullores në lidhje me Pikat Dy (2) dhe Tre (3) të Aktakuzës, të datës 10 korrik 2024, në masën që ata pretendojnë, në Pikën Dy (2), pengim të personave zyrtarë në kryerjen e detyrave zyrtare duke marrë pjesë në aksionin e përbashkët të një grupi midis më së paku 5 prillit dhe 12 prillit 2023, e dënueshme sipas Kodit Penal të Kosovës ('KPK') nenet 17, 21, 28, 33, 35, dhe 401(2) dhe (5), dhe nenet 15(2) dhe 16(3) të Ligjit për Dhomat e Specializuara dhe Zyrën e Prokurorit të Specializuar ('Ligji'), dhe, në Pikën Tre (3), frikësim gjatë procedurave penale me anë të premtimit për dhuratë ose



## ZYRA E PROKURORIT TË SPECIALIZUAR

çfarëdo forme tjetër përfitimi, midis më së paku 5 prillit dhe 12 prillit 2023, e dënueshme sipas neneve 17, 21, 31, 33, 35 dhe 387 të KPK-së dhe neneve 15(2) dhe 16(3) të Ligjit, duke përfshirë të gjitha mënyrat e përgjegjesisë të pretenduara në të.

Baza faktike

4. Baza kryesore faktike për pranimin e fajit nga Sabit JANUZI është paraqitur në Bazën Faktike të Rënë Dakord bashkëngjitur këtu si Shtojca 1.
5. Sabit JANUZI dhe Prokuroria pajtohen që nëse Prokuroria do të bënte paraqitjen e provave, atëherë faktet dhe akuzat e përcaktuara në paragrafët 8-9, 13-18 dhe 24 (e kufizuar në nën-paragrafët i(i), ii, dhe iii) të Aktakuzës së datës 10 korrik 2024 do të vërtetoheshin jashtë dyshimit të arsyeshëm, dhe se ato fakte janë të vërteta dhe të sakta dhe nuk kundërshtohen nga Sabit JANUZI. Sabit JANUZI ruan të drejtën e tij për kundërshtuar çdo fakt dhe akuzë tjetër që përmban Aktakuza e datës 10 korrik 2024, dhe çdo konstatim që përmban ajo.
6. Prokuroria dhe Mbrojtësi i Specializuar në konsultim me Sabit JANUZIN kanë përgatitur bashkërisht Bazën Faktike të Rënë Dakord. Sabit JANUZI e ka shqyrtuar atë në një gjuhë që ai e kupton plotësisht me Mbrojtësin e tij të Specializuar dhe ai pohon se faktet e përfshira në të janë të vërteta dhe të sakta me aq sa di ai. Ai më tej pajtohet se këto fakte mbështesin konstatimin e fajit për akuzat e përshkruara në paragrafin 3 më lart.
7. Sabit JANUZI bie dakord të pranojë fajësinë në lidhje me akuzat e identifikuara në paragrafin 3 më lart, sepse ai në fakt është fajtor dhe e pranon fajin e tij, dhe pranon përgjegjësinë e plotë për sjelljen e tij, siç përshkruhet në Bazën Faktike të Rënë Dakord.



## ZYRA E PROKURORIT TË SPECIALIZUAR

Natyra e akuzave

8. Sabit JANUZI e kupton plotësisht se ai po e pranon fajësinë në lidhje me Pikat Dy (2) dhe Tre (3) të Aktakuzës, siç përshkruhet më lart, dhe konkretisht pranon sjelljen e tij të përcaktuar në paragrafët 8-9, 13-18, dhe 24 (e kufizuar në nënparagrafët i(i), ii, dhe iii) të Aktakuzës dhe siç përshkruhet më tej në Bazat Faktike të Rëna Dakord.
9. Sabit JANUZI e kupton se nëse do të zhvillohej një gjykim, Prokurorisë do t'i kërkohej të provonte elementet e mëposhtme të neneve 21, 387 dhe 401(2) dhe (5), jashtë dyshimit të arsyeshëm:

*Pika Dy (2)*

- a. Pjesëmarrja në një grup personash i cili, përmes veprimit të përbashkët (neni 401(2) i Kodit Penal të Kosovës)
- b. Pengon ose tenton të pengojë një person zyrtar në kryerjen e detyrave zyrtare (neni 401(2) i KPK-së)
- c. Vepra penale është kryer ndaj një gjyqtari, prokurori, zyrtari të gjykatës, zyrtari të prokurorisë ose ndaj një personi të autorizuar nga gjykata dhe prokuroria, ose ndaj një oficeri policie në kryerjen e detyrave të tyre zyrtare (neni 401(5) i KPK-së)
- d. Vetëdija dhe dëshira për të kryer aktin, ose vetëdija se një pasojë e ndaluar mund të ndodhë si rezultat i veprimit ose mosveprimit dhe bashkimit në ndodhjen e tij (neni 21 i KPK-së).

*Pika Tre (3)*

- a. Përdorimi i forcës ose kërcënimit të rëndë, ose ndonjë mënyre tjetër të detyrimit, premtimi për dhuratë ose ndonjë formë tjetër përfitimi (neni 387 i KPK-së)



## ZYRA E PROKURORIT TË SPECIALIZUAR

- b. Nxitja e një personi tjetër që të mos jepte deklaratë ose të jepte deklaratë të rreme, ose të mos i jepte informacion të vërtetë policisë, prokurorit ose gjykatësit dhe ky informacion ka të bëjë me pengimin e procedurës penale (neni 387 i KPK-së).
- c. Vetëdija dhe dëshira për të kryer aktin, ose vetëdija se një pasojë e ndaluar mund të ndodhë si rezultat i veprimit ose mosveprimit dhe bashkimit në ndodhjen e tij (neni 21 i KPK-së).

Ndëshkimi dhe Dënimi

10. Sabit JANUZI e kupton se, në bazë të nenit 44 të Ligjit, ndëshkimet që mund të shqiptohen nga trupi gjykues pas dhënies së dënimit në këtë çështje përfshijnë:
  - a. dënim me burgim deri në dhjetë (10) vjet; dhe
  - b. një urdhër për t'i dhënë dëmshpërblim ose paguar kompensim një viktime apo viktimave bashkërisht, ose për të konfiskuar pronën, të ardhurat dhe asetet që përdoren për kryerjen e krimit dhe që rrjedhin nga kryerja e krimit, dhe kthimin e tyre tek pronari i ligjshëm, ose shitjen dhe ndarjen mes viktimave sipas nenit 22 të Ligjit.
11. Sabit JANUZI pajtohet me shqiptimin e dënimit për një kohë nga 24 deri në 30 muaj burgim.
12. Sabit JANUZI e kupton se:
  - a. nëse interpretimi i Trupit Gjykues, siç përcaktohet në vendimin KSC-BC-2023-10/F00612, lihet në fuqi, e pamundëson atë që të ndjekë mjetet ligjore të apelimit kundër të gjitha aktgjykimeve ose vendimeve të dënimit që përputhen me rekomandimin e dënimit në paragrafin 16(a) më poshtë; dhe/ose



## ZYRA E PROKURORIT TË SPECIALIZUAR

- b. për çdo rast, ai pajtohet se nuk do të apelojë ose kundërshtojë në ndonjë mënyrë dënimin e tij në rast se Paneli, duke konsideruar vetëm ato fakte dhe akuza specifike për të cilat ai ka rënë dakord në këtë Marrëveshje dhe Bazën Faktike të Rënë Dakord, i shqipton një dënim prej 30 muaj burgim ose më pak; dhe
  - c. ai pajtohet që nuk do të veprojë për të tërhequr pranimin e fajësisë ose për të apeluar dënimin e tij në përputhje me pranimin e tij të fajësisë.
13. Sabit JANUZI e kupton se, në përcaktimin e dënimit, Trupi Gjykses do të zbatojë ndëshkimet për krimet e nenit 15(2) të parashikuara në Kodin Penal të Kosovës të vitit 2019 dhe, aty ku është e aplikueshme, çdo faktor rëndues dhe lehtësues, duke përfshirë peshën e krimit dhe pasojat e tij, rrethanat individuale të personit të dënuar dhe çdo bashkëpunim me ZPS-në dhe DHSK-në, siç parashikohet në nenin 44 të Ligjit dhe rregullën 163 të Rregullores.
14. Kjo Marrëveshje nuk kufizon në asnjë mënyrë aftësinë e Palëve për të ofruar prova të pranueshme ose për t'i bërë parashtrime Trupit Gjykses në lidhje me faktorët e përmendur në paragrafin 13 më lart ose përcaktimin e një dënimi të përshtatshëm, për sa kohë që këto prova dhe parashtrime nuk janë në kundërshtim me këtë Marrëveshje dhe me Bazën Faktike të Rënë Dakord.

Dëmshpërblimet

15. ZPS-ja dhe i Pandehuri Sabit JANUZI pajtohen që, për aq sa mund të zbatohen dëmshpërblimet në këtë rast, çështja e dëmshpërblimeve do të adresohet nga palët në parashtrimet e tyre pranë Trupit Gjykses në kohën ose para kohës së shqiptimit të dënimit.

Marrëveshjet nga Zyra e Prokurorit të Specializuar

16. Në këmbim të pranimit të fajit nga Sabit JANUZI, nëse Marrëveshja e Pranimit të fajësisë pranohet nga Trupi Gjykses, Prokuroria bie dakord me sa vijon:



## ZYRA E PROKURORIT TË SPECIALIZUAR

- a. Prokuroria do t'i rekomandojë Trupit Gjykses dënimin për një kohë nga 24 deri në 30 muaj burgim dhe do të rekomandojë që Sabit JANUZIT t'i llogaritet koha që është mbajtur në paraburgim në Dhomat e Specializuara të Kosovës;
- b. më tej:
  - a. nëse interpretimi i Trupit Gjykses, siç përcaktohet në vendimin KSC-BC-2023-10/F00612, lihet në fuqi, e pamundëson Prokurorinë që të ndjekë mjetet ligjore të apelimit kundër të gjitha aktgjykimeve ose vendimeve të dënimit që përputhen me rekomandimin e dënimit në paragrafin 16(a) më sipër; dhe /ose
  - b. për çdo rast, Prokuroria nuk do të apelojë ose kundërshtojë në ndonjë mënyrë dënimin e shqiptuar nga Paneli në rast se Paneli i shqipton një dënim prej 24 muaj burgim ose më shumë; dhe
- c. ZPS-ja do të tërheqë, pa paragjykuar veprimet e ardhshme të asnjërës palë, akuzën e mbetur kundër Sabit JANUZIT siç është përcaktuar në Aktakuzën e datës 10 korrik 2024.

Pasojat e Pranimi të Fajit për ushtrimin e disa të drejtave të caktuara

17. Duke pranuar fajësinë në lidhje me Pikat Dy (2) dhe Tre (3) të Aktakuzës, Sabit JANUZI kupton se do të heqë dorë, tërësisht ose pjesërisht, nga mundësia për të ushtruar të drejtat e mëposhtme:
  - a. e drejta për t'u deklaruar i pafajshëm dhe për të kërkuar nga Prokuroria që të provojë akuzat në Aktakuzë jashtë dyshimit të arsyeshëm në një gjykim publik të drejtë dhe të paanshëm;
  - b. e drejta për t'u gjykuar në prani të tij dhe për t'u mbrojtur nga një Mbrojtës i Specializuar në një gjykim të tillë;



## ZYRA E PROKURORIT TË SPECIALIZUAR

- c. e drejta për të ngritur mbrojtje dhe arsye për përjashtimin e përgjegjësisë penale dhe për të paraqitur prova të pranueshme në një gjykim të tillë (pa paragjykuar ushtrimin e të drejtës për të bërë parashtrime dhe për të paraqitur prova në lidhje me dënimin);
- d. e drejta që të mos detyrohet të dëshmojë kundër vetes ose të pranojë fajin;
- e. e drejta për të marrë në pyetje, ose të merren në pyetje, dëshmitarët kundër tij dhe për të siguruar pjesëmarrjen dhe marrjen në pyetje të dëshmitarëve në emër të tij në të njëjtat kushte si dëshmitarët kundër tij (pa paragjykuar ushtrimin e të drejtës së tij për të marrë në pyetje çdo dëshmitar që mund të thirret për të dëshmuar, dhe të drejtën e tij për të thirrur dëshmitarë dhe për t'i marrë ata në pyetje në emër të tij, në çdo procedurë lidhur me dënimin);
- f. e drejta për të ndjekur mjetet ligjore të apelimit lidhur me dënimin apo vendimin e dënimit, siç është përcaktuar në paragrafin 12 më lart.

18. Duke u deklaruar fajtor, Sabit JANUZI ruan të gjitha të drejtat e tjera, duke përfshirë, në veçanti:

- a. të drejtën për t'u përfaqësuar nga një Mbrojtës i Specializuar në të gjitha fazat e kryerjes së procedurës dhe për të komunikuar lirshëm me një mbrojtës të tillë në mirëbesim;
- b. të drejtën për të paraqitur çdo informacion ose provë relevante për përcaktimin e dënimit, në përputhje me Rregullën 162 (1) dhe (5) të Rregullores; dhe
- c. të drejtën për të apeluar ndonjë dëmshpërblim (nëse shqiptohet në këtë çështje).





## ZYRA E PROKURORIT TË SPECIALIZUAR

Pranimi në mënyrë vullnetare i fajit

19. Sabit JANUZI pranon se ai ka bërë këtë Marrëveshje lirisht dhe vullnetarisht pas konsultimeve të mjaftueshme me Mbrojtësin e tij të Specializuar, se nuk janë bërë kërcënime për ta shtyrë atë të pranojë fajin dhe se të vetmet premtime që i janë bërë janë ato të përcaktuara në këtë Marrëveshje.

Marrëveshje jodetyruese për Dhomat e Specializuara të Kosovës apo për Juridiksione të tjera

20. Sabit JANUZI dhe Prokuroria e kuptojnë se asnjë kusht i kësaj Marrëveshjeje nuk është i detyrueshëm për Trupin Gjykes të DHSK-së, siç parashikohet në Rregullën 94 të Rregullores.
21. Palët kuptojnë më tej se Trupi Gjykes mund të propozojë ndryshime në Marrëveshje për t'u shqyrtuar nga Palët, ose të refuzojë marrëveshjen e Pranimi të Fajësisë nëse kushtet e Rregullës 94(5) nuk plotësohen dhe të urdhërojë që gjykimi të vazhdojë sipas Rregullës 94(7) të Rregullores. Nëse Trupi Gjykes urdhëron që gjykimi të vazhdojë sipas Rregullës 94(7) të Rregullores, ai do të konsiderojë që pranimi i fajit nuk është bërë.
22. Sabit JANUZI e kupton që Marrëveshja nuk është detyruese për DHSK-në, as ndonjë autoritet apo organizatë tjetër kombëtare apo ndërkombëtare.

Marrëveshje të tjera

23. Me përjashtim të rasteve të përcaktuara shprehimisht këtu, nuk ka premtime, mirëkuptime ose marrëveshje midis Prokurorisë dhe Sabit JANUZIT ose Mbrojtësit të tij të Specializuar, Jonathan ELYSTAN REES.



## ZYRA E PROKURORIT TË SPECIALIZUAR

Deklarata e Sabit JANUZIT

24. Unë, Sabit JANUZI, e kam lexuar këtë Marrëveshje në një gjuhë që e kuptoj plotësisht dhe kam shqyrtuar me kujdes çdo pjesë të saj me Mbrojtësin tim të Specializuar, Jonathan ELYSTAN REES. Jonathan ELYSTAN REES më ka këshilluar për natyrën e akuzave kundër meje, për të drejtat e mia, për mbrojtjen e mundshme dhe për pasojat e lidhjes së kësaj Marrëveshjeje dhe pranimit të fajit. Mua nuk më është bërë asnjë premtim apo nxitje tjetër, përveç atyre që përmbahen në këtë Marrëveshje. Për më tepër, mua nuk më ka kërcënuar apo detyruar askush, në asnjë mënyrë, për të bërë këtë Marrëveshje. Unë e kam bërë këtë Marrëveshje lirisht dhe vullnetarisht dhe gëzoj shëndet të plotë mendor. Unë i kuptoj kushtet e kësaj Marrëveshjeje dhe pajtohem vullnetarisht me secilën prej tyre.

Sabit JANUZI

Data

Deklarata e Jonathan ELYSTAN REES

25. Unë, Jonathan ELYSTAN REES, në cilësinë e Mbrojtësit të Specializuar të Sabit JANUZIT, kam shqyrtuar me kujdes çdo pjesë të kësaj Marrëveshjeje me klientin tim. Për më tepër, unë e kam këshilluar plotësisht klientin tim për të drejtat e tij dhe mbrojtjen e mundshme, për dënimin maksimal të mundshëm dhe për pasojat e lidhjes së kësaj Marrëveshjeje dhe të pranimit të fajit. Në dijeninë time, klienti im gëzon shëndet të plotë mendor dhe vendimi i tij për të



ZYRA E PROKURORIT TË SPECIALIZUAR


bërë këtë Marrëveshje është një vendim i marrë me dijeninë e tij dhe në mënyrë vullnetare.

  
Jonathan ELYSTAN REES

17.12.2024


Data

26. Palët e nënshkruara pajtohen plotësisht me çdo term dhe kusht të kësaj Marrëveshjeje:

  
Sabit JANUZI

10.12.2024

Data

  
Jonathan ELYSTAN REES

17.12.2024

Data


Mbrojtës i Specializuar për Sabit JANUZIN

  
Tazneen SHAHABUDDIN

17/12/2024

Data

Prokurore

  
Kimberly P. WEST

17 December 2024

Data

Prokurorja e Specializuar



ZYRA E PROKURORIT TË SPECIALIZUAR

SHTOJCA 1BAZA FAKTIKE E RËNË DAKORD

I pandehuri Sabit JANUZI pranon se ai ishte pjesë e një grupi që kërkonte të nxiste Dëshmitarin 1 që të mos jepte dëshmi para Dhomave të Specializuara të Kosovës përmes premtimit për përfitim. Në veçanti, anëtarët e grupit – duke vepruar nën drejtimin e Haxhi SHALËS – i shkuan Dëshmitarit 1 në shtëpinë e tij, përkatësisht më 5 dhe 12 prill 2023. Gjatë vizitës së 5 prillit 2023, Ismet BAHTIJARI i tha Dëshmitarit 1 se ai duhet të tërhiqte dëshminë e tij para Dhomave të Specializuara të Kosovës. Gjatë vizitës së 12 prillit 2023, i pandehuri Sabit JANUZI në vijim të vizitës së parë, i transmetoi Dëshmitarit 1 një ofertë që Haxhi SHALA dhe të tjerët do ta ndihmonin atë nëse ai e tërhiqte dëshminë e tij. Para dhe pas çdo vizite më 5 dhe 12 prill 2023, i pandehuri Sabit JANUZI komunikoi dhe koordinoi me anëtarët e tjerë të grupit për ndërveprimet e tyre me Dëshmitarin 1.